



Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 69. Statuta Općine Centar Sarajevo-prečišćeni tekst ("Službene novine Kantona Sarajevo" broj 23/04), člana 5. Odluke o izvršavanju Budžeta Općine Centar Sarajevo za 2026. godinu („Službene novine Kantona Sarajevo" broj: 52/25), člana 7. Odluke o dodjeli pomoći boračkoj populaciji („Službene novine Kantona Sarajevo" broj: 41/24) te u skladu sa Odlukom o pokretanju postupka raspisivanja i provođenja javnog poziva broj: 09/A-37-455/26, općinski načelnik raspisuje:

**JAVNI POZIV
za prijavu pripadnika boračke populacije
sa područja općine Centar Sarajevo na sportsku rehabilitaciju na Olimpijskom
bazenu Otoka za 2026. godini**

1. PREDMET JAVNOG POZIVA

Predmet ovog Javnog poziva je dodjela godišnjih akreditacija za sportsku rehabilitaciju pripadnika boračke populacije sa područja općine Centar Sarajevo koja će se realizovati na Olimpijskom bazenu Otoka.

2. FINANSIJSKA SREDSTVA

Sredstva za nabavku godišnjih akreditacija za sportsku rehabilitaciju pripadnika boračke populacije sa područja općine Centar Sarajevo na Olimpijskom bazenu Otoka, planiran su na budžetskoj poziciji 614429-17 Subvencije javnim preduzećem - JP Olimpijski Bazen Otoka rehabilitacija, rekreacija i terapeutsko vježbanje za pripadnike boračke populacije.

Sredstva u ukupnom iznosu od 25.000,00 KM će se doznačiti JP Olimpijski Bazen Otoka u skladu sa potpisanim Ugovorom broj:09/A-37-455/26, a u svrhu realizacije projekta sportske rehabilitacije za pripadnike boračke populacije.

Na osnovu navedenog Ugovora, Služba će izvršiti raspodjelu ukupno 120 akreditacija za sportsku rehabilitaciju pripadnicima boračke populacije sa područja općine Centar Sarajevo, u skladu sa uslovima utvrđenim ovim javnim pozivom.

Dodjela godišnjih akreditacija za sportsku rehabilitaciju pripadnika boračke populacije sa područja općine Centar Sarajevo na Olimpijskom bazenu Otoka vršiti će se po podnesenom pojedinačnom zahtjevu, a u skladu sa Odluke o dodjeli pomoći boračkoj populaciji („Službene novine Kantona Sarajevo" broj: 41/24).

Sredstva koja se dodjeljuju ne predstavljaju državnu pomoć u smislu Zakona o sistemu državne pomoći u BiH.

3. CILJ JAVNOG POZIVA

Cilj dodjele godišnjih akreditacija za sportsku rehabilitaciju pripadnika boračke populacije sa područja općine Centar Sarajevo na Olimpijskom bazenu Otoka je poboljšanje statusa korisnika prava iz oblasti boračko invalidske zaštite, te omogućavanje boljih uslova za njihovu integraciju u društvo.

- **USLOVI ZA OSTVARIVANJE PRAVA NA GODIŠNJU AKREDITACIJU ZA SPORTSKU REHABILITACIJU PRIPADNIKA BORAČE POPULACIJE SA PODRUČJA OPĆINE CENTAR SARAJEVO NA OLIMPIJSKOM BAZENU OTOKA**

Pravo na dodjelu godišnjih akreditacija za sportsku rehabilitaciju pripadnika boračke populacije sa područja općine Centar Sarajevo na Olimpijskom bazenu Otoka imaju:

- Demobilisani borci/branitelji Bosne i Hercegovine;
- Ratni vojni invalidi;
- Članova porodica poginulih i umrlih demobilisanih boraca i umrlih ratnih vojnih invalida;

Uslovi za dodjelu godišnjih akreditacija za sportsku rehabilitaciju pripadnika boračke populacije sa područja općine Centar Sarajevo na Olimpijskom bazenu Otoka su:

- da je lice koje podnosi zahtjev ima prebivalište na području Općine Centar Sarajevo;
- da je podnosilac zahtjeva pripadnik boračke populacije;

4. POTREBNA DOKUMENTACIJA

Podnosioci zahtjeva za dodjelu godišnjih akreditacija za sportsku rehabilitaciju pripadnika boračke populacije sa područja općine Centar Sarajevo na Olimpijskom bazenu Otoka su dužni dostaviti:

- Potvrda o prijavi prebivališta za podnosioca zahtjeva;
- Uvjerenje da je podnosilac zahtjeva korisnik lične ili porodične invalidnine putem Službe za boračko invalidsku i socijalnu zaštitu (pribavlja se službenim putem) ili uvjerenje Federalnog ministarstva za pitanja boraca i invalida odbrambeno oslobodilačkog rata;
- Ovjerena izjava podnosioca da je zdravstveno sposoban da učestvuje u projektu, te da pod punom materijalnom i krivičnom odgovornošću izjavljuje da akreditaciju neće zloupotrijebiti;

5. PODNOŠENJE PRIJAVA/ZAHTJEVA NA JAVNI POZIV, ROKOVI I NAČIN DODJELE NOVČANIH SREDSTAVA

Javni poziv će biti objavljen na oglasnoj ploči Općini Centar Sarajevo i na web stranici Općine Centar Sarajevo (www.centar.ba).

Javni poziv ostaje otvoren do podijele godišnjih akreditacija.

Prijave/zahtjevi sa kompletnom dokumentacijom podnose se na protokolu Općine Centar Sarajevo, svakim radnim danom od 07.30 do 16.00 sati, ili putem pošte na adresu: Općina Centar Sarajevo, Služba za boračko invalidsku i socijalnu zaštitu- Odsjek za boračko invalidsku zaštitu, ulica Miss Irbina broj 1.

Prijave/zahtjevi će se rješavati po redoslijedu podnošenja, te će se vršiti dodjela godišnjih akreditacija.

Služba je dužna u roku od 30 dana od dana podnošenja zahtjeva obavijestiti podnosioca/podnositeljicu zahtjeva o statusu predmeta.

Dostavljeni lični podaci podnosioca zahtjeva obrađivat će se i koristiti isključivo u svrhu provođenja ovog javnog poziva, u skladu sa Zakonom o zaštiti ličnih podataka Bosne i Hercegovine.

Sve dodatne informacije mogu se dobiti u Službi za boračko invalidsku i socijalnu zaštitu - Odsjek za boračko invalidsku zaštitu Općine Centar Sarajevo, soba 31/prizemlje, na brojeve telefona: 033/562-454 i 033/562-445 ili putem maila biz@centar.ba.

Izrada: Dženana Hajrić

Saglasnost: Amra Hašimbegović Vučković



Općinski načelnik

Srdan Mandić